



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՎԱՐՉԱԿԱՆ ԱԿՏ N 1520469
ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ

«14» օգոստոսի 2023թ.

ք. Երևան
(կազմման վայրը)

Ակտի հասցեագրեր

«ՈՒՆԻՎԵՐՍԱԼ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատիր նշումով) կամ իրավաբանական անձի անվանումը)

0	1	2	1	5	3	4	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

Արարատի մարզ, ք. Մասիս, Սիսակյան 18վ, բն5

(անհատ ձեռնարկատիրոջ հաշվառման հասցեն կամ իրավաբանական անձի գրեկտիվ վայրի հասցեն)

Խախտման նկարագրությունը

ՀՀ ՊԵԿ ՀՕՀՎ պետի 07.07.2023թ.-ի թիվ 1520469 որոշման համաձայն, սույն թվականի օգոստոսի 7-ին <<ՈՒՆԻՎԵՐՍԱԼ>> ՍՊԸ-ի (ՀՎՀՀ 01215349) կողմից ապրանքների մատակարարման կամ տեղափոխության գործարքների փաստաթղթավորման կարգի պարտադիր պահանջների պահպանումը ճշտելու նպատակով, ժամը 09:50-ին հետազոտման է ենթարկվել Արարատի մարզ, գյուղ Դարբնիկ միջնամասում կայանած <<Կամազ>> մակնիշի 390 ՍԼ 61 հաշվառման համարանիշներով ավտոմեքենան: Մեքենայի վարորդը ներկայացել է որպես Միրո Սլոյան և հայտնել, որ վերը նշված մեքենայով Արարատի մարզ, գյուղ Դարբնիկ հասցեում <<ՈՒՆԻՎԵՐՍԱԼ>> ՍՊԸ-ի ավազակոպճային հանքավայրից բարձել է «ԽԱՉՀԱՐ» ՍՊԸ-ի (ՀՎՀՀ 00018682) համար նախատեսված 10 խոր. մետր խիճը 1 խոր. մետրի վաճառքի գինը 6 000 դրամ, ընդամենը 60 000 դրամ և ինքը որևէ ուղեկցող փաստաթուղթ չունի: Հետազոտման ընթացքում մոտեցել է <<ՈՒՆԻՎԵՐՍԱԼ>> ՍՊԸ-ի գլխավոր հաշվապահ Գարեգին Ղարաբյոզյանը և ներկայացրել գրավոր հայտարարություն այն մասին, որ ՍՊԸ-ի բոլոր ուղեկցող փաստաթղթերը լրացնում է էլեկտրոնային եղանակով համակարգչի միջոցով, այդ պատճառով որևէ ուղեկցող փաստաթուղթ վարորդը իր մոտ չունի և 07.08.2023թ.-ին առանց համապատասխան ուղեկցող փաստաթղթերի մատակարարվող ապրանքների արժեքը, ըստ ընկերության հաշվարկային փաստաթղթերի կազմում է 60 000 դրամ:

Տվյալ ապրանքները մատակարարվել են առանց համապատասխան ուղեկցող փաստաթղթերի:

Փաստաթղթերի և իրերի հետազոտման ընթացքում պարզվել է, որ ՀՀ ՊԵԿ տեղեկատվական բազայում առկա չէ էլեկտրոնային եղանակով դուրս գրված հաշվարկային փաստաթուղթ վերը նշված գործարքի համար:

Թիվ 1520469 արձանագրությամբ 07.08.2023թ. հարուցվել է վարչական վարույթ:

Կողմը, պատշաճ ծանուցված լինելով, չի ներկայացել 14.08.2023թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով՝ <<ՈՒՆԻՎԵՐՍԱԼ>> ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուցեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 000 դրամից:

Տվյալ դեպքում <<ՈՒՆԻՎԵՐՍԱԼ>> ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր արժեքը կազմել է 60 000 ՀՀ դրամ, որի 50 տոկոսը կազմում է 30 000 ՀՀ դրամ, ուստի օրենսդրական պահանջից ելնելով ընկերության նկատմամբ կիրառելի է 500 000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

Հաշվարկել և <<ՈՒՆԻՎԵՐՍԱԼ>> ՍՊԸ-ին գանձման առաջադրել 500 000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք՝	500 000	պետական բյուջե	900008000490

Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երկու օրինակից:

ԻՎ պետ Ա. Մնացականյան

Վարչական ակտն ընդունող պաշտոնատար անձի

պաշտոնը, անունը և ազգանունը

Կ.Տ.

Ստացա ակտի մեկ օրինակը

<<ՈՒՆԻՎԵՐՍԱԼ>> ՍՊԸ տնօրեն Ռուբեն Բաղդասարյան

ֆիզիկական անձի անունը, ազգանունը

(անհատ ձեռնարկատիրոջ դեպքում՝ անհատ

ձեռնարկատիր նշումով) իրավաբանական անձի գործադիր

մարմնի ղեկավար (գրագրության ընդունման համար

պատասխանատու անձ՝ հաղորդ առաքման դեպքում)

ստորագրությունը

ընդամենը 3 էջ

2023թ.

(նշում ակտը ստորագրելուց և (կամ) ստանալուց հրաժարվելու մասին)